

Rec 313 9 8

ÉPISODO

SUR

L'AYGAT DE TOULOUSO

EN 1875.

Bendut al proufit des Inoundats.

La beillo de St-Jean , epoquo memourablo ,
Le faubourg St-Subra begét sous habitants
Dins uno positiou taloment lamentablo
Que les pitchous mouments baillon de lounquis ans ;

Garonno ! que t'a fayt moun faubourg tant aymable ?
Digo-me doun per que l'as traytoment destruit,
Per que dins ta furou élément redoutable
Dins uno tristo neyt mè l'as tout engloutit ;

Fousquèt per St-Subra uno neyt d'agounio
Cadun des habitants éro prest a mourir ;
Besion l'inondatiou dins touto sa furio
Et cridabon de pouou : Benets nous secouri ;

Dins d'oustals an perit de famillos entiéros ,
Dins d'autres un amic embrassan soun amic ;
L'aygat n'entendio pas n'y sanglots , ni prieros ,
Hurous qui tout ragent troubabo soun abric ;

De moument en moument quand les oustals croulabon
Sentission la frayou may forto que jamay,
Entendion de per tout les mourents que ralabon
Mais le fracas passat..... entendion pas res may ;



As pourtat çà et là dins ta courso brutalò
De morts et de cercuils des cabots de Rapas
Qu'as proufanat , dejouts lour peyro sepulcralò
Et sans cap de respect layssats dins le fangas ;

Tout dibio s'enclina d'aban toun fol caprici
Abattios sans piétat les plus béls mounuments
Cadun bouillo gara soun fragille édifici
Tu , les as engouffrats dins tous grandis courents ;

Bésion en frissounan de caousos singuliéros
Sus fourgouns d'artillur de Surs de Caritat,
De curés en bateou que courrion las carriéros
Proudiga les secours que lour cor a dictat ;

Per que dins uno néyt as fayt tant de bietimos
Jouts les effoundroments se coumptont per milliers ,
A cado cop de pic en fouillan las ruinos
Un cadabre : noubel aougmento les darniers.

Que de plours , que de dols , en faço la miséro :
Sòou aben méritat , moun Diou ! en pla punits ,
Beillats apasima bostro sancto couléro
Dempey aques malhurs en toutis espaourits ;

As souldats , as cibils qu'an fayt le sobettatge ,
Qu'an affrontat la mort sans cap d'aoutre souci
Que salba le public. Oh ! sublime couratge !
Al noum d'aquel public lour disi pla merci ;

Remercien la bountat del grand chef de la Franco
Qu'es bengut de Paris exprés nous counsoula
Sur soun humanitat y còuntabon d'abanço ,
Car , jamay , soun boum cor n'a réstat en délà ;

Houmatge millo cops a nostro Presidento
Qu'a sapiut recuilli boum noumbre de millouns
Pes paoures inoundats sa hountat es coustente ,
Tabes Diou benira les brabes Mac-Mahouns ;

Un grand bouélo de dol curbis touto la Franço,
Cado jour nous apprend de noubélis malhurs :
Gréllous, inoundatiours arribon a outranço
Per s'empourta les gras aro qu'éron madurs;

Franço, counsolo-te de per tout es aymado,
Per tu ben de secours mémo de l'estrangé
Es jouts la proutectiou de la Bierjo sacrado
D'amm'ello franchiras n'importo quin dangé ;

Merçi as qu'an souscrit de sublimos ouffrandos
Que diben secouri tant de mounde ruinats;
Grabaren hostres noums' entourats de guirlandos
Per las génératiours des paoures inoundats.

Grand faubourg de moun cor, tu que m'as bist à naysse
Me counsoulayoy pas de te bese a mourir ;
Es moun plus grand désir que léou tournes rénaysse
Per que s'y souy a temps, te bejoy reflouri ;

Justin CUQ, *inoundat*.

10. Juillet 1875.



Toulouse, imp. Troyes Ouvriers Réunis.